

Na osnovu člana 139. stav 3. Zakona o vodama ("Službene novine Federacije BiH", broj: 70/06), člana 64. stav 2. Zakona o vodama Kantona Sarajevo ("Službene novine Kantona Sarajevo", broj: 18/10, 43/16 i 44/22), te člana 70. stav 1. tačka 2. Statuta Općine Vogošća ("Službene novine Kantona Sarajevo", broj: 27/14 - Prečišćen tekst, 14/15 i 9/20), Općinsko vijeće Vogošća na sjednici održanoj dana 28.03.2024. godine donijelo je

ODLUKU O USLOVIMA I NAČINU IZDAVANJA VODNIH AKATA NA PODRUČJU OPĆINE VOGOŠĆA

I OPĆE ODREDBE

Član 1. (Predmet Odluke)

- (1) Ovom odlukom regulišu se uslovi i način izdavanja vodnih akata na području općine Vogošća (u daljem tekstu: Općina), troškovi postupka, nadzor nad provođenjem ove Odluke, kao i druga pitanja od značaja za izdavanje navedenih vodnih akata.

Član 2. (Vrste vodnih akata)

- (1) U smislu ove Odluke, prema članu 107. Zakona o vodama Federacije BiH, vodni akti su:
- prethodna vodna saglasnost,
 - vodna saglasnost i
 - vodna dozvola

Član 3. (Nadležnost za izdavanje vodnih akata)

- (1) Vodni akti su upravni akti i izdaju se u obliku rješenja, ukoliko zakonom nije drugačije propisano.
- (2) Rješenje kojim se odobrava izdavanje vodnih akata u smislu ove Odluke donosi Općinski načelnik putem nadležne službe (u daljem tekstu: Služba), a na zahtjev pravnog ili fizičkog lica.
- (3) Rješenje se dostavlja Ministarstvu privrede Kantona Sarajevo, Agenciji za vodno područje rijeke Save i Kantonalnoj vodnoj inspekciji Kantona Sarajevo, najkasnije u roku od sedam dana od dana izdavanja.

II USLOVI I NAČIN IZDAVANJA VODNIH AKATA

Član 4. (Prethodna vodna saglasnost)

- (1) Prethodna vodna saglasnost definisana je članom 111. Zakona o vodama Federacije BiH ("Službene novine Federacije BiH", broj 70/06).
- (2) Uz zahtjev za izdavanje prethodne vodne saglasnosti potrebno je priložiti sljedeće:
- kopija katastarskog plana;
 - zemljišno-knjižni izvadak;

- prethodna (načelna) saglasnost izdata od strane KJKP "Vodovod i Kanalizacija" d.o.o. Sarajevo;
- projektnu dokumentaciju - Studija izrađena od strane pravnog lica koje ispunjava zakonom propisane uslove i kriterije, do nivoa lidejnog rješenja;
- izvod iz Regulacionog plana (RP) ili Mišljenje o usklađenosti planiranih aktivnosti sa prostorno - planskom dokumentacijom izdato od strane Zavoda za planiranje i razvoj Kantona Sarajevo;
- uplatnica o uplaćenju naknadi u iznosu od 30,00 KM.

Član 5. (Vodna saglasnost)

- (1) Vodna saglasnost definisana je članom 114. Zakona o vodama Federacije BiH ("Službene novine Federacije BiH", broj 70/06).
- (2) Uz zahtjev za izdavanje vodne saglasnosti potrebno je priložiti sljedeće:
 - kopija katastarskog plana;
 - zemljišno-knjižni izvadak;
 - Glavni projekat u dva primjerka;
 - rješenje o izdatoj prethodnoj vodnoj saglasnosti i urbanističkoj saglasnosti;
 - saglasnost na tehničko rješenje vodovodnog odnosno kanizacionog sistema i za priključak na isti, ovjera na projekat od strane KJKP "Vodovod i Kanalizacija" d.o.o. Sarajevo;
 - uplatnica o uplaćenju naknadi u iznosu od 30,00 KM.

Član 6. (Vodna dozvola)

- (1) Vodna dozvola definisana je članom 115. Zakona o vodama Federacije BiH ("Službene novine Federacije BiH", broj 70/06).
- (2) Uz zahtjev za izdavanje Vodne dozvole potrebno je priložiti sljedeće:
 - kopija katastarskog plana;
 - zemljišno-knjižni izvadak;
 - odobrenje za građenje;
 - rješenje o izdavanju vodne saglasnosti;
 - ovjereni Glavni projekat ili Projekat izvedenog stanja, ukoliko objekat nije izveden po Glavnom ili Izvedbenom projektu;
 - izvještaj Stručne komisije koja je izvršila tehnički prijem objekta;
 - uplatnica o uplaćenju naknadi u iznosu od 50,00 KM.

Član 7. (Podnosioci zahtjeva)

- (1) Podnosioci zahtjeva u smislu ove Odluke su pravna i fizička lica (investitor /korisnik /graditelj) koja posjeduju dokumentaciju propisanu važećim propisima i upravnim aktima, u skladu sa zakonskom regulativom.
- (2) Služba razmatra uslove za izdavanje vodnih akata obuhvaćenih ovom Odlukom, te ukoliko ocijeni da je to neophodno može tražiti od stranke dodatne podatke ili dopunu dokumentacije.

Član 8.
(Izdavanje vodnih akata)

- (1) Način izdavanja vodnih akata, sadržaj vodnog akta, rokovi, aktivnosti za koje su uvijek potrebni vodni akti, objekti i aktivnosti za koje nisu potrebni vodni akti i ostalo propisani su Zakonom o vodama Federacije BiH (" Službene novine Federacije BiH", broj 70/06) i sa članom 64. stav 2. Zakona o vodama Kantona Sarajevo (Službene novine Kantona Sarajevo", broj 18/10, 43/16 i 44/22).

III TROŠKOVI POSTUPKA

Član 9.
(Naknada za izdavanje vodnih akata)

- (1) Naknadu za izdavanje vodnih akata snosi podnosioc zahtjeva.
- (2) Za izdavanje vodnih akata vlasnik objekta, odnosno investitor dužan je platiti propisanu naknadu Općini Vogošća, a dokaz o plaćenju naknadi prilaže se prilikom podnošenja zahtjeva za izdavanje predmetnih akata.
- (3) Naknada za izdavanje vodnih akata utvrđuje se u sljedećim iznosima:
- za izdavanje prethodne vodne saglasnosti 30,00 KM;
 - za izdavanje vodne saglasnosti 30,00 KM;
 - za izdavanje vodne dozvole 50,00 KM;
 - za izmjenu vodnog akta 30,00 KM;
- (4) Naknada za izdavanje vodnih akata uplaćuje se u Budžet Općine Vogošća.
- (5) Sredstva od naknada za izdavanje vodnih akata namjenski će se koristiti za unapređenje vodovodne i kanalizacione infrastrukture.

IV NADZOR

Član 10.
(Nadzor)

- (1) Upravni nadzor nad provođenjem ove Odluke, odnosno vodnih akata vrši Ministarstvo privrede Kantona Sarajevo.
- (2) Inspekcijski nadzor nad provođenjem ove odluke vrši Kantonalna uprava za inspekcijske poslove Kantona Sarajevo, putem kantonalnog vodnog inspektora.

V ZAVRŠNE ODREDBE

Član 11.

(Neriješeni zahtjevi za izdavanje vodnih akata)

- (1) Ako je do stupanja na snagu ove odluke postupak pokrenut kod nadležnog organa, a nije doneseno prvostepeno rješenje ili je rješenje poništeno i vraćeno prvostepenom organu na ponovni postupak, postupak će se nastaviti po odredbama ove Odluke.

Član 12.

(Postupci po žalbama)

- (1) Protiv upravnih akata Općinskog načelnika donesenih putem nadležne Općinske službe na osnovu ove Odluke u drugom stepenu rješava Federalno ministarstvo poljoprivrede, vodoprivrede i šumarstva.

Član 13.

(Važenje vodnih akata)

- (1) Vodni akti izdati do stupanja na snagu ove Odluke, ostaju na snazi do isteka roka određenog u rješenju.

Član 14.

(Primjena postojećih zakonskih propisa)

- (1) Za sve što nije definisano ovom Odlukom primjenjivati će se odredbe utvrđene postojećim zakonskim propisima o vodama.

Član 15.

(Stupanje na snagu i početak primjene)

- (1) Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj:01-02-633/24

Sarajevo, 28.03.2024. godina

